


明季南畝

十一

三十二



漢	八	八	八	八	八
書	〇	〇	〇	〇	〇
門	五	五	五	五	五
類	號	號	號	號	號
類	函	函	函	函	函
架	冊	冊	冊	冊	冊
架	冊	冊	冊	冊	冊

內	閣	文	庫
漢	八	八	八
書	〇	〇	〇
類	號	號	號
類	函	函	函
架	冊	冊	冊
架	冊	冊	冊

內閣文庫	
番號	漢 8805
冊數	34 (31)
函號	285 · 6

編年共十六号




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





朝歌送旅壁上吟

葉子眉

馬足飛塵到鬢邊
傷心羞整旧花鈿
回頭難憶宮中事
裏柳空垂起暮煙

淺草文庫

妾廣陵人也
從奉西宮
曾不二年
馬上琵琶
逐塵遠去
和泪濡毫
語不成章
愴懷賦此
幸梓里同人
見之知浮萍之所
歸身廣陵
葉子眉題
戊子七夕
前二日也

都人田雨公和韻

常娥何事下天邊
冷落空殘金鳳鈿
可憐無限傷心
事化作長安北塞煙

關中瓶菴主人偶見壁間眉娘所吟不
三鄉
女子之白也悽然賦此

里河遠隔白雲邊
繡嶺誰怜拾翠鈿
回看西內朦朧
月惟有寒雅噪暮煙

龍眠太丘主人和

才人生長廣陵邊
流落花箋冷翠鈿
壁上題詩何太

怨初歌早已沒朝煙

瓊花移向塞垣邊
風沙上翠鈿
惟有故園門外
柳春來依舊鎖青煙

東莊道學

碧飛根出五雲邊
脂冷香銷土作鈿
薄命紅顏千古
恨從今不止惜非煙

古瀛衛桂森

紅葉詩流御水邊
佳人何必整花鈿
中途寫盡離騷

然

曲官許浮雲到紫煙

閨夢方酣巫峽邊胡塵忽起墮花鈿
指金魏武今安在愁然文姬對塞煙

芷水逸狂

漢女和戎勉出邊猶將青草雪花鈿
包羞不識東頭劔何用悲歌辱紫煙

讀葉才人題朝歌旅壁詩声泪俱碎和者
率亦數章幸以純灰數斛浣此壁疥也

永曆再入肇慶

七月二十五日戊子陳邦傳為李成棟使請聖駕身
置不堪不敢挽留是日離潯州二十九日壬辰至肇
慶城下成棟先整督守道船長三十二艙者為龍舟
百里外迎接上慰勞備至八月初一日癸巳辰刻成
棟率文武百官迎帝手扶鑾輿入肇慶行宮中儲
銀一萬兩以備賞賚供帳宏飾復約萬金象魏殿陛
上粗可觀朝賀后加成棟爵壽極品賜御袍靴帶

十九

尚方劔等成棟再拜謝時首相嚴起恒次王化澄次
朱天麟凡以之火小行止必呈成棟而后奏 粵事記

李成棟出師

李成棟陝西人為入朴訥剛忍无矜意无喜容不嗜
葺不多言内外文武悉敬畏之永曆命築壇城東啟
漢淮陰故事令晉師南下壇半就成棟曰事在人
之為身豈必壇之登與否乎蓋刎頸受妾刻不亡懷必
欲得當以答其意也八月十二日甲夜面奏永曆曰

敬

南雁以下事諸臣任之庾闓以外事臣獨肩之一言
竟去提兵二十万上南雄時江右金声桓授南昌已
通成棟約期南下矣 粵事記

相臣媚李元胤

自八月十二日李成棟去后朝局大變都察院左都
御史袁彭年向為周延儒腹心延儒以受首揭延儒
後降清朝授廣東學道示云金錢鼠尾乃新朝之雅
製我冠博帶突亡國之陋規及返明朝又復誡之自矜

反正第一功臣成棟有子養李元胤奉愛姓河南人
以庸蠢不獲仍間而肇慶守家彭年特隆其俸以內
外權屬之元胤為傀儡笑罵无情彭年為總索樞樞
刺骨一時政事人心遂乖離殊甚吏部侍郎洪天擢
大理寺正卿潘曾緯廣東學道李倚兵部尚書曹燁
工部尚書耿獻忠通以使毛毓祥為成棟所親愛皆
自五羊來為一種嚴王朱三相國及吏部尚書晏清
吏部侍郎吳貞毓并雜項出身六科吳甚雷洪士彭

雷得復尹三聘許兆進張起壽皆南寧隨駕西來為
一種又有從各路至者都察院副都御史劉湘客礼
部尚書吳璟吏科都給事中丁時魁兵科都給事中
金堡戶科都給事中蒙正蒙礼科都給事中李用楫
文選司郎中施名徵光祿寺正卿陸世廉火僕寺正
卿馬光儀制司郎中徐世儀等又為一種甚廣東奉
土人陳世傑詞林吳以連司封李貞省垣高賚朋西
臺楊邦翰回鄉唐元梅方郎等亦為一種種望風

明

卒

歸入一黨彭年招引同志駁除異己于是元胤之門如市登其堂者不啻龍門拜盟認字李氏賈姓莫不矜喜每當朝期東班趨入西班與元胤交接東班為之一空元胤為人暴戾自用狂妄不情容至不揖志不遂喜遣僕卒與客賭博諸臣傾囊奉之謔浪罵聲弗忌人諍皆彭年脅制內外曲徇以成之者中郎元子詢不誣矣

十月初九夜元胤奉成棟密計題請兵部尚書佟養

甲往梧州府祭告興陵二鼓時于德慶道上殺養甲地方官以盜殺報由是咸收益零本月十五日元胤誕辰在朝文武公分之外有私分私分之外有私公分私公分之外又有私公分饋遺晝夜絡繹自八月至冬杪莫不奔競于元胤左右可嘆也

粵事記

彭年湖廣公安人崇禎甲戌進士毛毓祥武進人丁丑進士吳璟原名文瀛松江人進士施召徵元錫人癸未進士馬光蘊州人保舉湖南提督徐世

二二

儀江西人陞文選司郎中陳世傑進士吳以連丁
丑進士驗封司郎中李貞進士吏科給事中高賚
明進士楊邦翰進士太僕寺少卿唐元搆丁丑進
士賊方司郎中佟養甲遼東人都督同知

李成棟庚辰初敗

十月二十日辛亥李成棟逼庚嶺二十五日丙辰于
江西贛州府城外結營圍內外已通清二十六日丁
巳五更聞城上呼董大哥者三成棟于夢中驚醒曰

董天成是我中軍彼呼之我軍已為彼有矣亟披藍
布短馬衣跨一騾疾走竟不發一言庚辰至梅嶺六
百里兩晝夜奔蹶大雨中初出圍兵二十萬分為十
大營每營立一大摠鎮成棟奔軍走十摠我亦尾之
而行及進南安府城門成棟如夢初覺顧謂十人曰
尔等何得隨來十人对曰大爺既走吾輩不得不來
成棟怒以為謬即手刃愛將楊大用二十万士卒皆
械忠奔贛州府城外止与官人南來六着入肇慶面

君遂順流直下廣州府為再爭計朝中得報二不甚
異仍封詰陞轉仕籍終竟不及計外禦內備者

董大成河南人楊大用陝西人

贛州府屬江西省南安府江西進廣友

以二十萬衆大師豈无故獨走即十將之豈竟不
知所以隨行兩晝夜獨不得成棟一語而奔乎此
必有說姑誌以俟攷

辛亥十月十五王儆書

文選給空劄

午

九月十月通政司疏陳乞職者日以于計閣臣票擬
刻板定着以具奏四字吏部堂司兩廡揀發揆摺文
選官雖掌銓選之權无出選之地廣東一省非奉成
棟咨大小有司不得擅為除授桂林手樂則苗守閣
臣瞿式報為以慶遠柳州則新興伯集璉為以集璉
者陳邦傳出京時京債主得南思太四府則慶國以
陳邦傳為以文選所副乞陳之望茅給一空劄為后
日到部憑授而已

陳邦傳圍南寧

十月邦傳率兵至南寧府圍城二月斗米一兩活副
媒人錢廷燁趙臺莫能支開城降涕泣出女与邦傳
為媳邦傳父子遂駈南寧

錢廷燁无錫馬橋人

賈士奇辱拖召徵

十一月朔辛酉文選施召徵謝恩時同班舞蹈者三
人一為奉兵漕燁一為查儀司賈士奇現通譜李元

亂者召徵趨揖燁而未揖士奇大怒指名辱詈
召徵初未曉及惡声出始覺羞云短視當詣門請眾
也燁亦解紛士奇稍舒至初四日遇于道攘臂欲毆
召徵避讓細問其故士奇見召徵他爰刺名頗小而
請削字猶大以為欺之也召徵杜門三日費我個停
代款四兩始息似无非假元亂而恣肆耳

士奇河南人初為守備

吳其雷嘗通

十一月初六日兵科吳其雷具疏請文武之職掌以
肅朝綱勵新舊之廉恥以別人品等事內開六部四
衙門提兵以下移令用手揭此三百年來之旧規現
在文武諸臣有初朝二朝三朝四朝五朝六朝之分
別各置建立事功以昭請恭自獻之本心表彰年季
元胤知之恨入骨初十日其雷宵遁上桂林府与瞿
式耜共事疏之箇中

附 无錫記曰丁亥戊子兩年聞鄉間盜賊蜂起如

膠山前澗鷺湖寺每盜至燒搶百餘家或五六
十家或二三十家如此无寧日 六月初六日梁
按院上在詢其出身乃是布客

朱容藩僭乱本末

西元陳景雲

朱容藩本楚藩通城王派下一庶人居家无賴不宥
于王府逃入左良王軍中假称郡王引兵害人營中
諸將惡之甲申春北都既陷容藩至南京賂馬士英
請以鎮國將軍監督楚營行至九江以橫恣激文軍
民悞罪逃奔時李自成漫于陝餘賊流入楚容藩復
入賊中称楚王宗子賊大喜欲立為王后見奔動乘
異語言虛詐因疑之丙戌十月永曆即位端州容藩

走赴行在言賊中情形甚患內閣丁魁楚素庸陋信其言辨遂荐之朝掌宗人府事得操火政而兵科程源喜談兵与之結納甚懽程源四川人也一日與宥藩談川事曰川中賊勢雖盛而諸將兵不下數十萬吾兩人各清摠督之賊以督東北吾督西南賊不足平也宥藩喜具疏請之朝以程源方以兵科未及兩月不應陞遷而源狂躁意在必得乃加源太常寺少卿經理三省而改宥藩為兵部右侍郎兼右金都

御史摠督川東兵馬十二月清兵破廣東上移蹕桂林內閣呂大器回四川丁魁楚率子女輜重由潯州走橫江小路內閣隨駕者止瞿式耜一人丁亥正月駕至廣西桂林府朱宥藩程源覬覦入閣辦事逗遛不行囑給事中唐誠等連名具疏劾丁魁楚私逃上護從卑弱如宥藩程源皆係擁戴重臣不宜輕出外上素惡宥藩因怒曰尔等又欲擁戴宥藩耶遂命削宥藩官奪其摠督勅印欲斬之宥藩懼披剃為僧賄

買內監龐天壽求太后謂上曰變亂以來宗室凋零
容藩眾不至死毋過求上素孝承太后懿旨即赦容
藩仍復其官還與勅印容藩由是入內程源由楚入
黔假稱三省總督兵部右侍郎訟連賣官送劄賍私
巨萬四月四川巡按錢邦芑具疏叅之時上以三月
劉詠胤迎駕驛武岡疏入上震怒削程源賊連向容
藩由夜州入永順司至施州衛得王先吳兵馬二十
人時光吳為清兵所擊敗于鄭陽走入施州衛元所

歸容藩假稱楚王世子天下兵馬副元帥先吳諸將
不知其偽遂附之時川中曾英為張可旺即孫所敗
部將李沾春余大海率舟師東走夔州容藩既得先
吳兵即移檄占春大海兩將占得之時清兵既破成
都等處載輜重子女由重慶泛江而下容藩命占春
大海截之二將以舟師溯流而上七月十一日相遇
于忠州之湖灘清兵輜重既多部位未整占春出其
不意以輕舟直入其營發火炮亂擊之清兵遂亂奔

舟登岸走川北。竊得三營兵馬益恣肆。每行遂稱
監國鑄副元帥金印佩之。改忠州為大定府。府門
為承運門。稱所居為行宮。設祭酒。科道。鴻臚寺等官。
擅封拜王。光與李占春。余大海。楊相柱。譚弘。譚文。譚
詣。楊展。馬应试等為侯伯。以張京為兵部尚書。程正
典為四川總督。朱運久為巡撫湖廣。八月十三日。錢
邦芑率王祥復。遵義九月。檄袁韜復重慶。川北總督
李乾德同袁韜兵駐重慶。十一月。竊藩率李占春。諸

營至重慶。令乾德竊藩諷乾德欲其推戴。已乾德若
不解者。而札復不相下。適冬至。仍朝賀。札袁韜。率搖
黃賊而受抚。素不知札。乃與竊藩同班拜舞。竊藩怒。
即命李占春暗襲袁韜。并害李乾德。是晚乾德坐舟
中。忽覺煩悶。遂登岸于高阜。設帳安息。及占春兵至。
擄乾德舟中。止得一妾一女。不見乾德。乃大驚。及襲
袁韜營。復不能勝。次日袁韜集兵。與占春相讎。殺數
戰不解。互相勝負。竊藩走涪州。時錢邦芑在武隆州。

南摠督楊喬然在彭水寄藩移書邦芭喬然請至信
州為兩營解釋邦芭復書深責藩僭踰之罪宗藩
不從乃私鑄錦江侯印送王祥求其以兵應占春同
戰袁翰戊子正月王祥以兵出綦江与袁翰一戰不
勝退劄南岸祥独乘輕舟見宗藩少頃占春來相會
王祥力大遂擒占春過其舟同至綦江縣命部下王
朝典守之不聽歸營欲奔其眾朝典陝西人与占春
同里占春慰以好言時寒苦占春解貂衣贈之朝典

悅守為之懈占春乃夜逾城出得小舟逸歸營王祥
既失占春戰袁翰復不勝兵无糧殺馬而食二月遂
回遵義袁翰走順慶占春退扎涪州之平西壩夔
州臨江有天子城甚險可守宗藩乃改為天子城以
為己讖領部眾數千居之鑄印給諸部下石柱酉陽
兩土官俱封為伯掛將軍印廟券查僚俱授監軍摠
兵之取川中屢經張獻忠播黃之亂地方新復丁亥
武岡之變上由靖州幸柳州于女阻道朝廷文告久

不通川中宥藩乘機煽惑川東一帶諸將士多為宥
藩所動競往掃之求官授職无虛日錢邦芭乃列其
眾拜疏糾劾云為奸宗謀逆請正天討事臣察得逆
宗朱宥藩自元年正月在廣西得罪皇上欲置之死
幸蒙天恩赦宥還其原官命料理湖南一帶彼時寇
逼湖南宥藩即由施州衛走入川東五六月間寇陷
涪州臣方至彭水界上川東夔府一帶与朝廷消息
不通文武无主宥藩假朝廷之威灵收拾兵將至八

九月間川中各鎮如王祥侯天錫李占春余大海趙
榮黃曹魚馬立試袁翰等各出兵勒寇四路捷報惟
時皇上幸廣西川中不知聖駕所在宥藩即自為吏
兵兩尚書鑄刻印信遣授文武寵絡軍民隱有稱王
之意今歲六月臣巡川南忽軍中傳來朱宥藩刊諭
建置文武榜文其自称則曰予一人予小子如此而
欲其終守臣節其可得乎今皇上遠在西粵四川僻
在極西沙漠兵寇阻通凡詔諭勅旨徑歲餘后通其

浮沈不達者尚多且西川之地四圍皆夷土司易
生反覆又迭經寇禍三年之間四易年号人情惶惑
莫如適從故宗藩欲乘此搖動人心詎為妄亂自去
歲秋冬川地漸復臣不憚艱苦往來深山火箐荒城
破壘之中毆除豺虎剪披荆棘招集殘黎抚慰土司
宣達皇上威德西川之地始知正統所屬今声教漸
著法紀方紓而宗藩包藏禍心謀窺神恩陽尊朝廷
陰行僭偽假皇上之威福布党亂之爪牙其意待羽


翼既成便欲盟授西川以為公孫子陽王建孟知祥
之事臣已早窺其隱先致書告以大義隨即傳檄楚
皆何騰蛟堵胤錫川督楊喬述李乾德及各大鎮俾
共尊朝廷毋為叛臣所惑語不具載報芭乃封疏稿
檄文達書于堵胤錫相合兵共討時胤錫率馬進忠
等駭扼州衛胤錫得書即乘舟入川會宗藩正色責
之宗藩曰聖駕播迓川中不知順逆聊假名号彈壓
之耳胤錫呵之曰公身自為逆何能服遂殺身錢代

巡有檄會兵若再不悛殺以率兵下吾截其後川將
皆朝廷臣子誰為之作賊者時又官附宥藩者止張
京程正典朱運久三人流錫一陳天義切責之川
東文武始知宥藩名号之偽各解散八月督師呂
大器呈涪州李占春迎見適宥藩有牌至期儲將會
師上列楚王世子監國天下兵馬副元帥之銜大器
笑曰副元帥亦親王太子不敵稱且天子在上何國
可監此人反叛明矣占春曰昨堵督師面叱其非某

印 誤

追

等已知其偽無朱千歲枕鐫印封拜奈何大器曰宥
藩專擅如此朝廷印檄兵令討尔等受其官必不免
矣占春曰誤為所惑今已悔之討叛以贖罪若何大
器曰唯占春守整舟師連夜至天字城攻宥藩宥
藩以兵相拒不勝走入夔州山中占春率部下窮追
兩日宥藩匿草舍中為土人擒獻斬之川東之難志
平



癸未九月十日千改齋校

文政癸未

